

Հեռուստատեսության և ռադիոյի և հանձնաժողովի
մշտադիտարկման արդյունքները և եզրակացությունը
վերգետնյա եթերային հեռարձակում իրականացնող
հեռուստաընկերությունների, ռադիոընկերությունների
կողմից 2018թ. սեպտեմբերի 23-ի Երևանի ավագանու
արտահերթ ընտրությունների նախընտրական
քարոզչության սահմանված կարգի պահպանման
վերաբերյալ

Համաձայն Հայաստանի Հանրապետության ընտրական օրենսգրքի 20-րդ հոդվածի 10-րդ մասի, Հեռուստատեսության և ռադիոյի հանձնաժողովը (այսուհետ՝ Հանձնաժողով) մշակել և իր 2018 թվականի սեպտեմբերի 4-ի թիվ 72-Ա որոշմամբ հաստատել և հրապարակել է «Երևանի ավագանու ընտրությունների նախընտրական քարոզչության ժամանակահատվածում վերգետնյա եթերային հեռարձակում իրականացնող հեռուստաընկերությունների, ռադիոընկերությունների կողմից ընտրություններին մասնակցող կուսակցությունների, կուսակցությունների դաշինքների համար հավասար պայմանների ապահովման գնահատման մեթոդաբանությունը»: 2018թ. սեպտեմբերի 10-ից մինչև սեպտեմբերի 23-ը Հանձնաժողովն իրականացրել է Երևան քաղաքի տարածքում գործող վերգետնյա եթերային հեռարձակմամբ սփռված ծրագրերի՝ Հայաստանի Հանրապետության ընտրական օրենսդրության և «Հեռուստատեսության և ռադիոյի մասին» Հայաստանի Հանրապետության օրենքի պահանջներին համապատասխանության վերահսկողություն: Հանձնաժողովը հեռուստաընկերությունների և ռադիոընկերությունների հեռարձակած ծրագրերի մշտադիտարկումն իրականացրել է.

- հեռուստառադիոծրագրերի և դրանց տեսագրությունների (ձայնագրությունների) անմիջական դիտարկման արդյունքների.

- գրանցամատյանների և հեռուստառադիոընկերություններից ստացված տեղեկատվության.

- ընտրություններին մասնակցող կուսակցությունների, կուսակցությունների դաշինքների և (կամ) նրանց ներկայացուցիչների Հանձնաժողով ներկայացրած տեղեկատվության.

- հեռուստառադիոընկերությունների կողմից Հայաստանի Հանրապետության ընտրական օրենսդրության խախտումների մասին լրատվամիջոցների հրապարակումների.

- պետական մարմինների, հասարակական և միջազգային կազմակերպությունների Հանձնաժողով ներկայացրած կամ հրապարակած տեղեկատվության ուսումնասիրության հիման վրա:

Նշված ժամանակահատվածում հեռուստառադիոծրագրերի մշտադիտարկումը իրականացվել է հեռուստառադիոծրագրերի անմիջական դիտարկման և դրանց տեսագրությունների (ձայնագրությունների) հիման վրա: Հանձնաժողովը ուղղակի մշտադիտարկումը իրականացրել է հեռուստառադիոընկերությունների վերահսկման պատահական ընտրանքի և հավասարաչափ բաշխման սկզբունքով: Վերգետնյա հեռարձակում իրականացնող հեռուստաընկերություններն ու ռադիոընկերությունները 2018թ. սեպտեմբերի 23-ի Երևանի ավագանու արտահերթ ընտրությունների նախընտրական քարոզչության ընթացքում Հանձնաժողով են ներկայացրել իրենց կողմից հեռարձակված ծրագրերի մասին տեղեկատվություն: Ստացված տեղեկատվությունը տվյալներ է պարունակել յուրաքանչյուր ընկերության կողմից ընտրությանը մասնակցող կուսակցություններին և կուսակցությունների դաշինքներին.

- անվճար կարգով տրամադրված եթերաժամանակի.

- վճարովի կարգով տրամադրված եթերաժամանակի.

- նրանց և (կամ) նրանց ներկայացուցիչների մասնակցությամբ հաղորդումների ընդհանուր տևողության.

- լրատվական ծրագրերում նրանց նախընտրական քարոզչության միջոցառումների լուսաբանման ընդհանուր տևողության մասին: Ստացված տեղեկությունները համադրվել են Հանձնաժողովի անմիջական դիտարկման արդյունքների հետ, համակարգվել և ամփոփվել են Հանձնաժողովի տեղեկանքներում, որոնք, օրենքով սահմանված կարգով և ժամկետում՝ 19.09.2018թ., հրապարակվել է Հանձնաժողովի կայքէջում, ինչպես նաև նշված ժամկետում ներկայացվել են Հայաստանի Հանրապետության կենտրոնական ընտրական հանձնաժողով: 2018թ. սեպտեմբերի 23-ի Երևանի ավագանու արտահերթ ընտրություններին մասնակցող կուսակցություններին և կուսակցությունների դաշինքներին վճարովի կարգով տրամադրվող էթերաժամանակի և դրա սակագնի մասին հայտարարել են թվով 12 հեռուստաընկերություն և 6 ռադիոընկերություն: ՀՀ ընտրական օրենսգրքի 20-րդ հոդվածի 4-րդ մասին համաձայն՝ Հանձնաժողովը 2018 թվականի օգոստոսի 27-ին թիվ 71-Ա որոշմամբ հայտարարել է հանրային ռադիոյի և հանրային հեռուստատեսության վճարովի էթերաժամի մեկ րոպեի գինը: Հանձնաժողովի մշտադիտարկման արդյունքում արձանագրվել են 2018թ. սեպտեմբերի 23-ի Երևանի ավագանու արտահերթ ընտրություններին մասնակցող կուսակցություններին և կուսակցությունների դաշինքներին վերգետնյա էթերային հեռարձակում իրականացնող հեռուստաընկերությունների, ռադիոընկերությունների կողմից 10.09.18-21.09.18թթ. ժամանակահատվածում տրամադրված էթերաժամանակի հետևյալ ցուցանիշները.

- անվճար կարգով տրամադրված ընդհանուր եթերաժամանակը կազմել է 269 ռուպե 5 վայրկյան,

- վճարովի կարգով տրամադրված ընդհանուր եթերաժամանակը կազմել է 2215 ռուպե 29 վայրկյան,

- հեռուստառադիոընկերությունների հաղորդումներում՝ բացառությամբ լրատվական թողարկումների, ընտրություններին մասնակցող կուսակցությունների և կուսակցությունների դաշինքների մասնակցության ընդհանուր տևողությունը կազմել է 9181 ռուպե 4 վայրկյան,

- հեռուստառադիոընկերությունների լրատվական թողարկումներում ընտրություններին մասնակցող կուսակցությունների և կուսակցությունների դաշինքի կողմից իրականացված նախընտրական քարոզչության լուսաբանման ընդհանուր տևողությունը կազմել է 8011 ռուպե 35 վայրկյան,

- նախընտրական քարոզչության ժամանակահատվածում ընտրություններին մասնակցող կուսակցություններին և կուսակցությունների դաշինքներին վերգետնյա եթերային հեռարձակում իրականացնող հեռուստաընկերությունների, ռադիոընկերությունների կողմից տրամադրված ընդհանուր եթերաժամանակը կազմել է 17192 ռուպե 39 վայրկյան, այսինքն, ավելի քան 286 ժամ:

2018թ. սեպտեմբերի 23-ի Երևանի ավագանու արտահերթ ընտրությունների վճարովի կարգով տրամադրվող եթերաժամանակի սակագնի սահմանման և անփոփոխության օրենսդրական պահանջների, ինչպես նաև եթերաժամանակի ոչ խտրական տրամադրման սկզբունքի խախտումներ չեն արձանագրվել: 2018թ. սեպտեմբերի 10-ից մինչև

սեպտեմբերի 23-ն ընկած ժամանակահատվածում Հանձնաժողովն ընտրություններին մասնակցող կուսակցություններից և կուսակցությունների դաշինքներից բողոք չի ստացել: Պետական մարմիններից, հասարակական և միջազգային կազմակերպություններից, լրատվամիջոցներից, քաղաքացիներից նախընտրական քարոզչությանը վերաբերող դիմում-բողոքներ չեն ստացվել: Հավելվածին կից ներկայացված աղյուսակում ներկայացված են նախընտրական քարոզչության ժամանակահատվածում հեռուստաընկերությունների և ռադիոընկերությունների կողմից ընտրություններին մասնակցող կուսակցություններին և կուսակցությունների դաշինքներին հատկացված էթերաժամանակի վերաբերյալ տվյալներ: Հավելվածին կից ներկայացված աղյուսակում ներկայացված տվյալներից երևում է առանձին հեռուստառադիոընկերություններից յուրաքանչյուրի կողմից ընտրություններին մասնակցող կուսակցություններին և կուսակցությունների դաշինքներին հատկացված էթերաժամանակի որոշակի անհամաչափություն: Հանձնաժողովը իրականացրած ուսումնասիրության և վերլուծության արդյունքում հանգել է եզրակացության, որ այն պայմանավորված է վերջիններիս կողմից իրենց նախընտրական քարոզչության պլանավորման և իրականացման՝ միջոցառումների քանակական, տարածքային և ժամանակացուցային բաշխման անհամասեռություններով, քարոզչության իրականացման, ինչպես նաև նրանց նախընտրական հիմնադրամներում առկա միջոցների, անվճար և վճարովի էթերաժամանակի օգտագործման, հեռուստառադիոընկերություններում հյուրընկալվելու պատրաստակամության առանձնահատկություններով: Այս հանգամանքով պայմանավորված էթերաժամանակի տրամադրման

անհամաչափությունները Հանձնաժողովը որպես հեռուստատաղիորնկերությունների կողմից ընտրությանը մասնակցող կուսակցությունների և կուսակցությունների դաշինքների նկատմամբ հավասար պայմաններ ապահովելու խախտում չի գնահատել: 2018թ. սեպտեմբերի 23-ի Երևանի ավագանու արտահերթ ընտրությունների նախընտրական քարոզչության (10.09.2018 - 21.09.2018 թթ.), ինչպես նաև քվեարկության նախորդ օրը և քվեարկության օրը մինչև ժամը 20:00-ն Հայաստանի Հանրապետության ընտրական օրենսգրքի և «Հեռուստատեսության և ռադիոյի մասին» Հայաստանի Հանրապետության օրենքի պահանջների խախտումներ չեն արձանագրվել:

10.09.2018-21.09.2018 ընկած ժամանակահատված

Հավելված

գրանցված կուսակցությունների և կուսակցությունների դաշինքների անունները	անվճար կարգով տրամադրված եթերաժամանակը	վճարովի կարգով տրամադրված եթերաժամանակը	այլ հաղորդումներում իրականացված քարոզչության տևողությունը	լրատվական թողարկումներում իրականացված քարոզչության լուսաբանման տևողությունը	լրատվական թողարկումներում և այլ հաղորդումներում իրականացված քարոզչության ընդհանուր եթերաժամանակը
ԲԱՐԳԱՎԱՃ ՀԱՅԱՍՏԱՆ ԿՈՒՍԱԿՑՈՒԹՅՈՒՆ	36' 00"	1,142' 40"	777' 05"	790' 32"	1,567' 37"
ԵՐԵՎԱՆԻ ՀԱՆՐԱՊԵՏՈՒԹՅԱՆ ԴԱՇԻՆՔ	11' 52"	104' 42"	721' 18"	505' 21"	1,226' 39"
ԵՐԵՎԱՆՅԻՆԵՐ ԴԱՇԻՆՔ	30' 00"	0' 00"	764' 45"	516' 03"	1,280' 48"
ԵՐԿԻՐ ԾԻՐԱՆԻ ԿՈՒՍԱԿՑՈՒԹՅՈՒՆ	30' 56"	42' 10"	666' 16"	716' 44"	1,383' 00"
ԺԱՌԱՆԳՈՒԹՅՈՒՆ ԿՈՒՍԱԿՑՈՒԹՅՈՒՆ	26' 56"	255' 35"	650' 35"	722' 28"	1,373' 03"
ԺՈՂՈՎՐԴԱՎԱՐԱԿԱՆ ՈՒՂԻ ԿՈՒՍԱԿՑՈՒԹՅՈՒՆ	14' 45"	70' 00"	508' 59"	480' 45"	989' 44"
ԻՄ ՔԱՅԼԸ ԴԱՇԻՆՔ	18' 22"	229' 08"	813' 25"	1,044' 53"	1,858' 18"
ԼՈՒՅՍ ԴԱՇԻՆՔ	35' 44"	81' 24"	916' 11"	768' 16"	1,684' 27"

ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹՅՈՒՆ ԿՈՒՍԱԿՑՈՒԹՅՈՒՆ	12' 00"	135' 47"	852' 46"	642' 24"	1,495' 10"
«ՀԱՅԿ» (ՀԱՅԿԱԶՈՒՆՆԵՐ) ԿՈՒՍԱԿՑՈՒԹՅՈՒՆ	13' 27"	0' 00"	755' 55"	554' 22"	1,310' 17"
ՌԵՖՈՐՄԻՍՏՆԵՐԻ ԿՈՒՍԱԿՑՈՒԹՅՈՒՆ	24' 07"	12' 11"	629' 30"	556' 11"	1,185' 41"
«ՕՐԻՆԱՑ ԵՐԿԻՐ» ԿՈՒՍԱԿՑՈՒԹՅՈՒՆ	14' 56"	141' 52"	1,124' 19"	713' 36"	1,837' 55"